

解州志卷之五

平陸縣

人物

國朝

郭連城朔三瀟弱冠登鄉薦嗜古學為文不落窠臼為

孝廉二十年崇正辛未授南宮房師倪鴻寶奇之授

江南太平司李分校稱得人因剛介忤直指謫懷慶

檢校遂不出順治二年起廢議補部員以親老力辭

閒居著述葛巾布袍澹如也弟連圻事繼母以孝聞

員碩宇鴻聲幼孤事母最謹由恩貢授黃岩縣丞攝縣


篆值閩逆催科撫字兩得其道邑舊俗人死多不葬  
捐貲瘞者不啻萬數子鼎建歲貢克紹家學

杜穩字喬年邑諸生荆門州牧璉之元孫幼以孝聞長  
與二子隴畔講論經義從學者甚衆表裏輝映志行  
純篤既歿學者私謚孝恭先生以子濱贈宗人府主  
事祀鄉賢

杜濱號砥峰端嚴聰敏博覽羣書康熙乙卯經元丙戌  
進士以中書改宣城縣令治劇有能聲行取宗人府  
主事請增定 玉牒橫檔至今不易隨擢山西道監

察御史數上封事悉闕體要憂起超補史料給事出授陝西糧道總理西路軍需屯政運務邊風塞雨懋著勤勞解組歸田年七十卒著有澹廬詩集文集同民堂政蹟八風鏡漢人百味各若干卷

王大樹字壽章康熙丁酉鄉舉雍正癸卯進士歷任漢陰榆林祀縣新鄭密縣固始六縣所至有惠政廉能上達候陞主事未幾以病歸林居十載友愛諸弟一門雍睦年七十膺大賓



人物

明

王東陽郎中鶴齡祖任河南滎陽縣典史清操律已善  
政宜民祀滎陽名宦

趙秦庠生恬雅恭遜安貧力學

崔榮忠信正直嘗三詣闕下奏免荒糧縣尹飲之於鄉  
趙陽剛方慨直鄉黨有不平往質無不服者今其族人  
元旦祀先獨陽主為不祧云

史萬卷以恩拔入貢精通性理西銘讀書喜施予歲荒

出粟贍族隣濟人緩急不能償者嘗面焚其券

王璋父歿京師負柩歸葬事繼母克孝與異母弟曲盡友愛三世同居人高其義少宗伯呂柟匾其門曰孝直

趙宗岐父仲德大學生卒時宗岐尚幼母王氏撫育成立宗岐事之至孝母亡既葬廬墓三年嘉靖八年知縣徐元孝匾曰孝子

周宗文忠信恭儉有古人風士林推重縣令吳守禮賓於序萬曆改元詔賜冠帶

毛汝尹庠生天性孝友早喪父事婆母曲盡其孝友愛  
弱弟母喪既窆廬墓三年孝思所感墓側有雙穗之  
祥兩院旌其門

王錫福家世清貧甫冲齡父盲母喪能代理弟妹婚嫁  
適潦水突衝祖塋赴險拾骨葬祭盡禮以予國祚贈  
戶部主事

陳守職性至孝父母歿相繼廬墓縣尹鄭素聞其行微  
服詣墓見其寢處苦塊食止齏鹽歎曰真孝子也請  
題建坊子俊烈孫嘉言俱天亡媳張氏孫婦車氏兩

世隻影甘勵苦節而車尤善事孀姑一門節孝世所罕有

王國泰號雲峰孝友性成少孤兄應泰撫之若志讀書早膺恩薦與兄共爨五十餘載毫無間言兄歿事嫂如母撫姪四海不異己子海亦克承厥志家庭雍睦為一邑最

員密少穎敏力學弱冠游庠援例授嘉興府經歷在任五載綽有政績一郡戴之天性孝友教子有成

喬鳴鳳雲鳳兄廷對歸里恬退不仕日聚生徒講誦不



輟舉鄉飲介賓年九十而卒

李宏虞夔冢子廩生設社學捐官祖輸賑掩骸捐築外  
城代銀納馬為善不倦院道屢旌其門

喬徒然知州雲鳳子天資敏穎喜讀書天啟辛酉副榜  
司訓平遙乞休歸著有易春秋詩贊存笥

李志和增貢生碩果子家貧菽水承歡克盡孝道父母  
相繼歿廬墓盡哀崇正年間縣令馬為立石曰明孝  
子李志和廬墓處

張文任典史慷慨好善舉動有則鄉黨推服

國朝

石毓秀生員忠厚傳家義方訓子子啟裔歲貢兩任定  
襄樂平訓導勤于講課捐俸給費次淑問孫璞廩生  
一門溫雅四世同居淑問壽至九十有八咸稱人瑞  
李虞龍號允廷虞夔弟壬子副車攻苦自勵澹然塵外  
每出策蹇御奚人不知為介弟也居平不治生產惟  
訓子讀書士夫重之

員鼎甲庠生性友愛撫孤姪超成立仲嫂薛願以終節  
又睦鄰釋爭不苟然諾

令狐種樂善好施村有洪澗病涉每歲修橋以利行人  
子孫五世踵行不怠又曹勝捐貲架橋城東澗水上  
趙廣趙萬程俱平道修橋散粟濟困

郭專城孝弟敦行輕財好施

郭叔熏婚嫁亡尼子女如已子每以孝弟篤實誨諭鄉  
黨

趙甸廩生力學篤行母見背日夜悲號時年七歲人已  
知有至性事父及繼母曲體志意父歿治喪致哀盡  
禮著有省身記及喪禮辨康熙間邑令馮遵祖匾曰

孝篤死生

姜澤父母歿俱廬墓三年墓旁有井人呼曰孝子井

鄧亮撫孤姪桂林猶子事嫂如母桂林亦能孝其母中

武舉

杜化豹兄弟早亡撫諸姪皆成立周貧恤寡善行頗著  
歲貢李一鵬員掄升庠生郭叔鑿毛中立柳長春喬建  
倫荆操趙埭喬爾紹及毛成立范棟杜樞石維坊趙  
麒瑞俱以孝友稱

趙伯秋庠生忠信端方有古人之節陳璿篤誠不妄言

動

趙永祜庠生少失怙恃事繼母以孝聞樂善好施捐義學馬家滹沱官田一頃五十畝為膏火資子葵孫樹梅俱庠生見重里黨

荆永貴字世卿端方謹慤孝友克敦教子如棠成進士著循聲膺封奉直大夫

史鉞州同謙謹好善人稱長者有里戚毛姓因子幼以良田五百畝寄鉞父虛立契價後其子長鉞承父命盡數給還行多類此

楊國發韓澗里人乾隆元年壽一百有六歲 恩賜未

肉緞疋竝給坊銀

貢生令狐寅曹南俱力學嗜古成就後進

荆夢蛟庠生捐谷贍族立家塾以教里中子弟又庠生

史奇漢免祖稱義趙救拯貧急公

諸生令狐徵趙豫吉史麟詳史銑杜湄史湜李一元趙

秉義史暹張知畏喬於嶸史不阿李一善王蒲瑞楊

培芳員來儀俱品學端厚

史錫呂資生郭德超毛鶴翼李一本李一韓趙凌志趙

有志李學范紹武張爾肆王子鳳楊士清張輝高鵬  
李國祥王應吉史麟評柴盛趙伯達趙連宸石建型  
范迎春俱醇謹好善望重賓筵竝附列之





解州全志卷之十 平陸縣

列女

周

百里奚妻奚相秦會客作樂有滌婦自言知音召至援琴為戾戾之歌乃其妻也復為夫婦

元

進士孫某妻吳氏幼年夫亡無子所親欲奪其志再醮巨室王氏子氏堅拒不從後兵難投崖死詳見楊奐詩

明

毛緯妻王氏緯亡氏年二十六子方五歲養姑育孤六十餘年洪武十八年詔旌

舉人妻某妻蕭氏年十九夫亡子甫周歲紡績自供守節四十餘年永樂八年詔建坊旌之

生員杜元昭妻費氏昭亡氏年二十子幼家貧典衣以奉舅姑人以衣盡詰之曰親年有限衣何足計氏蓋欲殉舅姑偕終也果踐其言

生員趙充先妻張氏家貧紡績事姑相夫力學比充先

溺死遂剪髮示志御史旌其門

趙克敬妻周氏年二十八夫亡無子姑欲奪志不可紡  
績養姑完志以歿御史旌其門

裴士悅妻張氏年二十四夫亡誓無二志隣婦新寡以  
無依謀諸張張勗以貞守婦亦感悟自勵蓋有錫類  
之義焉御史旌其門

生員楊信妻董氏信以貞歿於京氏年二十攜幼子負  
骸歸葬守身教子冰節不移知縣李東生匾其門

國朝

鄧進龍妻張氏順治間姜逆之變氏度不免隨衆逃至絕崖下臨大河泣曰吾得死所矣坐地不行俄寇至投崖下死

陳唯謙妻仝氏姜逆之變避張村堡被掠氏抱幼子投深谷中死三日面色如生兒竟無恙

吳發隆妻仝氏發隆役於官氏美而賢食貧作苦發隆以役赴省氏往田間勤作道經元帝廟惡少挽入逼污不從被勒死

趙學晉妻李氏年二十七歲夫亡子甫數月守節五十

九年壽八十七歲孫五人曾孫十五人元孫二人一堂五世咸謂苦節之報

李煥妻王氏煥卒遺女三氏慟哭自縊二女亦病亡

趙薦妻李氏夫亡家窘翁患癱氏調飲食周旋床褥間凡五易寒暑不少懈

增生趙連興母張氏夫亡子喪外凌內變交訖難支氏同孀媳周氏撫育三雛竭力保全復念貧家讀書艱辛膏割腴產一項二十畝贍義學修脯貧兒得以肄業周氏連興繼妻也連興卒氏年方二十一歲同姑

守節克紹家聲教子永祐永吉永祺俱補邑庠生學  
道巡按俱給匾旌之

增生鄧一魁妻閻氏夫亡氏年十七撫幼子起蛟入庠  
尋亦夭斃斃無依事八旬病翁甚謹守節六十餘年  
歿

廩生員名世妻裴氏孀居四十五年事翁姑盡孝教子  
成立長灝廩生次碩次順暨孫鼎延俱恩拔貢生  
趙宏祚妻武氏年十八夫亡子甫三月誓死守節歷五  
十年子素孫劬晉俱補邑庠生皆氏苦志成之

增生趙大受妻周氏年二十一夫亡遺子六歲氏欲殉  
翁姑泣諭遂啣哀課子嚴以濟愛子宗益食餼而氏  
歿

增生杜維祉妻王氏夫亡于四歲氏上無翁姑下鮮兄  
弟菑荒靡依撫孤祥兆入庠食餼勤苦五十餘年而  
歿

增生趙連科妻李氏夫死教子永禧入庠又大媳員氏  
年尤少姑媳相守共撫幼孫人稱雙節

增生李呈祥妻員氏年二十一夫亡撫三歲遺孤至二

十四歲亦亡又撫二歲幼孫至六歲亦大艱苦萬狀  
閭里哀之

庠生張大紀妻侯氏年二十八夫亡志節耿耿躬自紡  
績侍翁姑曲得歡心為子延師購書長溥化入國學  
次鴻化歲薦

貢生員順妻毛氏年二十七夫亡無子以夫兄子鼎瑞  
為後撫育無異己出旋亦夭苦節四十餘年卒

員鼎鼎妻薛氏年二十夫亡止遺一女堅志守節奉事  
翁姑備極辛勤與叔姑毛氏同居人稱一門守節



庠生鄧高妻段氏痛夫早歿苦勵冰霜事姑孝篝燈課  
子桂林早登鄉科

王建統妻侯氏年二十四夫亡于幼奉養八旬祖翁靡  
不周至孀姑卧病七載侍湯藥不倦撫子成立閭里  
賢之

增生劉繩祖妻王氏夫亡遺孤在抱守志撫育遭橫逆  
堅持冰操誓死不移

庠生荆永麗妻焦氏年二十八夫亡于二俱幼誓不再  
過紡績奉翁姑延師訓子膳餽皆出手辨子潛鷄孫

昭俱入庠

陳其謨妻姜氏夫亡遺孤在抱家計蕭條惟紡績度日  
苦節數十年

庠生劉悅妻馬氏年二十二夫亡甘守苦節善事衰翁  
撫育幼孤迄於成立節孝兩全

趙永時妻荆氏年二十夫亡子甫週歲斃斃無倚苦節  
五十餘載

庠生郭叔建妻李氏夫亡子幼堅勵永操事親撫孤節  
孝兩全

庠生荆捷然妻趙氏年二十五夫亡誓以身殉託孤翁  
姑投繯而死

庠生趙仁術妻楊氏事舅姑孝越九年夫亡孤抱纒週  
歲氏性儉能耐苦勞識大體姻黨餽遺下至臧獲皆  
厚待之歷三十五年而歿建坊旌表入祀節孝抱不  
負母教以丞貳邀封諸孫森立人謂趙氏有後云

楊烈女生而殊美父凌霓業農一日偕婦往田間女獨  
居室惡少伺之踰牆下逼女詈罵不屈聲色俱厲惡  
少遽以手扼吭死安邑進士馬亢啟為傳邑令馮遵

祖刊碑事在康熙二十四年

何孝娥鄉農何守臣女姿色殊異父早亡一兄癩廢三姊已嫁惟依母尚氏年十七未字母病朝夕侍奉備至母亡號慟欲絕或慰之娥曰二親繼歿三姊適人一兄菽麥不分我命不猶又將安往葬母畢諸姊欲挽與俱去娥逸出縊母墓桑下事在康熙三十三年邑令金煒勒石表墓

孝烈女劉媛劉崇韜女生甫三日育於異姓長許字田氏子後年十四復歸本生田氏理前言而本生父不

納媛知語家人曰女子從一而終者也今以不育之軀貽父母憂乎自縊而亡

譚三甲妻張氏早著賢聲值康熙三十年荒疫夫及舅姑俱歿氏子女俱無矢志靡他其父餬口豫省寄書令改適氏見書涕泣五日夜飲藥而死時年二十七歲鄉人立石表之

毛癖妻吳氏年二十而孀孤鷓甫二齡家貧無依日夜紡績腕骨背隆起鷓長入庠孫伯雅亦入庠始以舌耕給養氏苦節七十餘年壽九十有六今其子孫皆

故惟孫媳曹氏孀居過者憐之

庠生劉愿妻杜氏歸二載即孀居無出值歲歎同室兄  
逼誘改適堅不移志歷四十載邑令表其門邑紳刊  
碑表之

庠生劉憲妻楊氏憲與堂兄愿同歲歿而氏與杜亦苦  
節相同身勤織紝以奉甘旨翁姑歿殯葬成禮人稱  
雙節邑令表其門

范自奇繼妻楊氏年二十五夫亡善事翁姑撫前子同  
己出卒年五十六邑教諭馮文止為表阡

令狐潛升母李氏壽一百有四歲無疾而逝

王雲妻伊氏年二十六夫亡子三歲家貧撫孤守節歷五十餘載卒

史自修妻徐氏年十六夫亡撫遺腹子孀居六十七年卒

薛之垣妻劉氏年二十一夫亡守節教孤子可榘孫修鱗入庠而卒

趙令聞妻張氏年二十一夫亡子甫六月撫育成立年五十有八卒

荆枝妻薛氏年二十二夫亡繼姪為子亦亡各憲皆有  
旌匾

高允義妻郭氏二十四歲夫亡教子成立守節五十六  
年至八十歲卒

增生喬德滋妻張氏孀居三十餘年子庠生繼祖妻王  
氏孀居四十年俱入節孝祠

賈應槐女應槐病昏憤許字匪人女義不受污又不忍  
違父命絕粒而死人皆惜之

庠生趙大琬妻姜氏

劉星義妻姚氏



姜輝妻員氏

庠生解聖統繼妻史氏

張文行繼妻杜氏

庠生薛可權妻劉氏

喬聯桂妻張氏子琦妻令狐氏

薛之琦妻冀氏子可斌妻史氏

任玉妻趙氏

庠生史鈿妻劉氏媳趙氏

荆揚妻張氏

郭禹畿妻高氏

喬得源妻馬氏

員鼎建妻趙氏

生員呂賡揚妻張氏

王四門妻毛氏

生員令狐永昌妻薛氏

李讓妻胡氏

關成瑞妻曹氏

譚惟源妻令狐氏

庠生史齡祚妻陳氏

庠生毛之彩妻王氏

龔起運繼妻李氏

樊秉樞妻員氏

裴章妻張氏

郭叔魚妻劉氏

王智妻趙氏

姜佐周妻牛氏

庠生呂盡美妻李氏

喬居坤妻席氏

喬四達妻李氏

薛之坦妻劉氏

吳琮妻毛氏

劉忱妻史氏

李文成妻劉氏

杜鍾傑妻闕氏

庠生荆夢鯨妻王氏

以上俱守志節載於高志

薛大烈妻石氏

王溥妻固氏

李兆元妻馬氏

仝居讓妻王氏

趙起妻姚氏

張悌妻竇氏

荆尚智母張氏

趙擴大妻荆氏

庠生趙塌妻喬氏

令狐士楷妻周氏

王光前妻任氏

副貢王躬瑞妻員氏

員復暢妻梁氏

賈宗榮妻李氏

解州金志 卷之十  
庠生荆爾芳妻李氏媳王氏

鄭玉琇妻陳氏

增生吳恇妻郭氏

武舉王與穀繼妻史氏

庠生荆夢麒繼妻董氏

張遷妻喬氏

趙義蘊妻毛氏

史麟詮妻伊氏

趙樹楷妻楊氏

庠生史奇轍妻杜氏暨媳辛氏

郭旺妻許氏

員祖升妻王氏

裴鞏妻張氏

姜自超妻裴氏

焦福榮妻陳氏

庠生趙殿詔妻王氏

王有物妻趙氏

趙昌大妻馬氏

庠生員暄升妻杜氏

恩旌

王述妻段氏

增生趙蘭妻郭氏

郭遠瞻妻史氏

庠生荆爾芬母王氏

趙勳晉妻毛氏

庠生趙樹桐妻李氏

庠生梁曰宮妻王氏

呂敦仁妻王氏

裴彩妻柴氏

荆淇妻溫氏

庠生楊必繼妻高氏

高煊妻王氏

解汝述妻令狐氏

喬勃妻任氏

喬建極妻荆氏

庠生王思任妻鄧氏

庠生梁大英妻李氏

任紹武妻鄧氏

令狐正節妻荆氏

車培珍妻裴氏

呂肆坤妻趙氏

令狐起聲妻荆氏

譚怡妻荆氏

毛班妻趙氏

張巨妻趙氏

趙鎔妻梁氏

趙奎妻石氏

以上俱守志節克孚輿論

王有文妻劉氏

王振都妻史氏

員應機妻趙氏

劉檀妻郭氏

王膚敏妻史氏

賈文炳妻趙氏

生員貞宗彛妻張氏

王有倫妻喬氏

楊士秀妻裴氏

趙見智妻張氏

荆在田妻石氏

張不矜妻史氏

庠生陳紹祖妻杜氏

張不伐妻李氏

旌表

劉晉望妻郭氏

伊素寬妻楊氏

趙如淵妻趙氏

趙先升妻仝氏

員在鐸妻柳氏

增生李一琴妻陳氏

庠生員環繼妻陳氏子以謚妻杜氏

以上現守志節年例相符

裴希賢妻令狐氏

史勳妻趙氏

王宰妻吳氏

李蘭英妻楊氏



解州全志卷之十一 平陸縣

古蹟

傅說版築處

在縣東二十五里傅巖今名聖人澗有祠蒼岩翠  
峯曲岸回巒洵異境也孔傳傅氏之巖在虞虢之  
界通道所經有澗水壞道常使胥靡刑人築護此  
道說賢而隱代胥靡築之以供食即今運鹽道也

開田

在縣西五十里東西七里南北十里即虞芮二君

相讓地俗名讓畔城

### 虞城

在縣東北六十里即虞公故城 按史記武王封

周章弟虞仲於故夏墟是為虞公列為諸侯太原地記謂之北虞城東有山世謂之五冢冢上有虞公廟今無考又漢書郡國志太陽有吳山上有虞城亦謂吳城古吳虞二字通用也一名畢軫城王翰詩畢軫城邊蔓草迷

### 顛幹坂

在縣東北六十里虞坂南劉昭注太陽有顛軫坂左傳所謂入自顛軫者也通典平陸有顛軫坂周穆王遍歷天下八駿經此車為顛簸今土人名軫嶠穆天子傳天子自鹽池已丑南登於薄窳軫之際乃宿於虞是山謂之薄山

### 洪池

距間田百武左傳桓公十年虞叔有五虞公求旃獻之既又求其實劍叔曰是無獻也遂伐公公奔共池杜預注地名闕今邑西有上下洪池或即此

下陽城

在縣治西南二里條山之麓東卽金鷄堡故城址  
存 舊志作上陽按杜預左傳注虢公都上陽在  
宏農陝縣東南則平陸不當有上陽城也又虞師  
晉師滅下陽杜預注下陽虢邑在河東太陽縣蓋  
晉時平陸為太陽也上陽城當作下陽城今改正

茅亭

左傳秦伯伐晉遂自茅津濟杜預注在太陽縣西  
南有茅亭卽茅城

虞坂

一名鹽坂在縣東北七十里戰國策伯樂遇騏驎  
因鹽車處水經注虞城北對長坂二十里許謂之  
虞坂今名青石槽在車輞谷二郎谷之東北屬安  
邑明御史張士隆修道可通鹽車有崔銑張御史  
治路記其略曰青石槽道嶮而狹如永巷然長七  
里自槽之南如陝州中有曰張店曰茅津者凡六  
十里有土版高二十丈溝深則半之兩崖對立而  
中隘正德八年御史鑿石槽深一丈有奇濶倍之

石槽平又治張店茅津宏隘刊峻路亦平傭者殺  
其直負者餘其力馬行可馳車可竝兩行旅大悅

### 太陽故縣

北魏志二漢晉屬河東郡魏屬河北郡

### 河北故郡

後魏置隋開皇初廢 按水經注橋水東北山溪  
中有小水西南流沙澗亂流逕太陽城東河北郡  
治也

### 歷代大河漕運

大河之漕肇列禹貢蓋冀州帝都三西距河八州  
貢賦皆以達河秦使天下飛鳥輓粟轉輸於河  
漢興張良以河渭漕輓為便其後番繫言漕更砥  
柱之險敗亡甚多而砥柱之東可無復漕成帝綏  
和二年求能浚川疏河者待詔賈讓奏折砥柱隋  
開皇二年沿河置倉運米以給長安陝州置常平  
倉遣倉部侍郎韋瓚向蒲陝以東募人能於洛陽  
運米四十石經砥柱之險達於常平者免其征戍  
十五年六月鑿砥柱唐亦轉運東南而河有三門

砥柱之險正觀十二年帝入河北縣觀砥柱顯慶  
元年苑西監褚朗議鑿三門山為梁可通陸運發  
卒六千鑿之不成其後將作大匠楊務廉又鑿為  
棧以輓漕舟繩絕輒墜死開元十八年宣州刺史  
裴耀卿入京上漕事便宜曰漢隋漕路瀕河倉廩  
遺跡可尋可使江南之舟不入黃河黃河之舟不  
入洛口而河陰柏崖二倉節級轉運水通則舟行  
水淺則寄於倉以待則舟無停留而物不耗矣元  
宗末俞二十二年耀卿為京兆尹請罷陸運而置



倉河口

河口在鄭州

在使江南舟至河口者輸於倉而官

為僱役分入河洛置倉三門東西漕舟輸其東倉

而陸運以輸西倉復以舟漕以避三門之險元宗

然之以耀卿為江淮河南轉運使置河口輸場場

東置河陰倉西置柏崖倉三門東置集津倉西置

鹽倉鑿山十八里以陸運自江淮漕者皆輸河陰

倉自河陰西至太原倉倉在陝州西六里謂之北

運自太原倉浮渭以賈闕中凡三歲漕七百萬石

省陸運傭錢三十萬緡

開元新河

在三門北有小河俗名公主河唐陝郡太守李齊物鑿砥柱為門以通漕開其山巔為挽路燒石沃醢而鑿之然棄石入河激水益湍怒舟不能入新河候其水長以人挽舟而上帝疑之遣視齊物賂使者還言便

集津倉 鹽倉

唐開元二十一年裴耀卿請於三門東置集津倉

唐人運糧三門難通俱

西置鹽倉二倉今廢正元

七聚於此故名集津

二年李泌開運道自集津至三門鑿山開道十八里以避砥柱之險益開集津倉山西徑為運道屬於三門倉治上路以回空車費錢五萬緡下路減半

### 鏡牛磧

在縣東一里許黃河中俗傳禹鑄以鎮水患歲久沉沒今不見云

### 老君爐

在砥柱側黃河中世傳老聃嘗煉丹於此嶮不可

升上流有列石似川字傳聃於此渡河云

### 將軍汭

在縣東北六十里石壁千仞下有洞洞內轟然如  
鑼鼓聲俗名鑼鼓洞旁有古柏森鬱可觀相傳宮  
之奇以其族行避此遺像存焉國語所謂以其孥  
適西山或即此

### 馬蹄灣

在縣西四十里竹林寺西南太子坪西石上有馬  
蹄凡四俗傳為關侯過此遺跡

將軍城

在縣北三十里西祁村有漢周倉廟及古城遺址  
塋馬圪塔

在縣東四十五里地近青澗溝溝底有石寨山壁  
鏡將軍黃岩四字岩即馬岱也少孤與母避難僑  
黃姓室因名黃岩時牧馬於此長投馬超復姓

金鷄堡

在縣南二里店頭鎮之西當卽下陽城也延袤七  
里城內西北隅積石如邱俗傳為十二連城蓋春

秋時巖城在崇岡之上丹壁屹立南臨大河北望中條而太華函谷恍惚見之土人名金鷄堡

### 琴瑟洞

唐志有琴瑟穴有銀穴二十四銅穴四十八在覆釜三堆五崗

### 說法臺

在縣西北三十里竹林寺西山之上相傳唐睿宗時僧智興修行終南山後承師命渡河北棲於中條大通巖結廬臺上聚徒說法聲震長安召之不

赴使人截其舌火焚之化為金其聲愈厲賜號金  
舌長老

唐砥柱山銘

廣川書跋唐砥柱銘正觀十二年特進魏徵撰秘  
書正字薛純書其窪平隨多少置字故不成行序  
宛轉索於巖間以摩故石雖存而頗難得唐刻石  
之文此其最大者也其後柳公權書刻招提今已  
謫缺不可讀惟純所書在濁河間得存蓋摩擊之  
工不至雖濤浪激射風雨催剝尚不廢也今不可

考銘詳藝文

唐傅巖廟碑

在聖人澗唐大厯中御史楊麟撰文不載修建始末碑已不存今所存者明知縣丁一元重刻碑也在當時文已剝落不可讀又廟前大石金大定間立刻傅巖二字

元重修傅巖廟記石刻

皇慶中續執中撰

坊表附



孝義坊

為元孝子靖與曾立

旌節坊

為明節婦毛緯妻王氏立

旌節坊

為明姜舉人妻蕭氏立

登雲坊

為明舉人段純立

折桂坊

為明舉人杜禮立

雋坊

為明舉人杜寅立

翰林坊

為明侍書張翰立

經元坊

為明舉人王濟民立

進士坊

為明進士劉翀立

赦贈坊

為耕父劉惠立

豸繡坊

為明御史劉翀立

少尹坊

為明大興縣丞劉瀚立

鳳鳴坊

為明舉人趙師道立

翼道坊

卷之二十一 藝文志 坊表

巡按黃洪昆為鄉賢崔吉立

起鳳坊

為明舉人崔汝孝立

騰蛟坊

為明舉人杜璉立

亞魁坊

為明舉人王鶴齡立

甲第聯登坊

為明進士王鶴齡立

名宦坊

為明滎陽縣典史王東陽立

恩綸坊

為王鶴齡父化行母譚氏立

三世中丞坊

為明李虞夔立

豈弟君子坊

茅津鎮人為國朝知縣郭一裕建

節孝坊

為修職郎趙仁術妻楊氏建

寺觀附

慶壽寺

舊在城西南隅宋祥符二年僧了寬建明洪武十五年重修置僧會司宏治正德嘉靖間繼修萬厯辛卯知縣鄭金移建城外之巽隅今廢

開化寺

在縣東三門集津宋司馬溫公有遊三門開化寺詩今廢

大雲寺

舊在北關明萬歷年遷於澗北吳山之麓

大悲寺

在縣西張谷村之上澗宋僧了寬建明洪武中僧

福炬修

潛溪寺

在縣西石家堰村之右宋僧文銘建明洪武宏治

嘉靖年修

流慶寺

在縣西南西張村宋大中祥符二年建明洪武十  
六年修

龍川寺

在縣東二十五里沙澗村西僧道慶重修

佛窰寺

在縣東寨頭村金明昌間僧了心建明洪武年僧  
原岩修

蘭馬寺

在縣東馬家村元大定四年僧福貴建明僧惠安



修

五臺寺

在縣東齊家村晉天福三年僧顯金建明洪武間僧守錦修

竹林寺

在縣西北中條山之大通嶺唐僧妙成建金永安僧惠燈元至正僧洪淵明洪武僧禧應繼修唐金舌和尚法名智興少於終南山師德悟三年師忽令栖中條興求其地弗得還問師師復遣之至此

有竹影之盛見一老相語移時不見自此眉長三尺二寸日夜誦經不輟山去長安五百里睿宗聞哦經聲累詔不至命截其舌焚之化為金哦聲益厲帝還金復化為舌既湮築勅瘞其骨為建寺國朝順治十年重修

蓋元庵

在縣西原裏村明萬歷年修邑進士王鶴齡記國朝康熙年間重修

妙智寺

在縣東倉窰村元大德年建明洪武僧良才修

牛張寺

在縣東堰頭村金明昌二年僧文宣建明洪武間修

彌勒寺

在縣東槐下村明邑進士王鶴齡有記

雲影寺

在縣東谷村宋僧普會建明僧普惠修

永興寺

在縣西窰頭村唐時建明洪武僧妙福修

雲蓋寺

在縣北天井山下明萬歷間建

隆禧觀

在縣東關唐開元三年道士楊志和建元至正四年道士馬恭道修明洪武十三年道士王若恭繼修十五年置道會司嘉靖四十一年重修併玉泉觀長生宮入焉

清和觀

在縣西葛趙村明萬歷間道士張正一建 國朝  
康熙五年修

五泉觀

在縣東小原村宋祥符三年道士張志道建明洪  
武間道士張彥通修

林墓附

古許由塚

在縣東六十里箕山之西清澗之上太史公曰余  
登箕山其上蓋有許由塚云高九丈周八十一步

二塚南北並列其一或以為巢父塚云又按地形志洛州陽城郡陽城縣有許由塚

商相傳說墓

在縣東北中條山之南馬跑泉左兩山環拱迴巘若屏

秦相百里奚墓

在縣東槐下村明邑令丁一元立石邑人崔汝孝記旁有彌勒寺相傳為看墳寺按奚相秦成霸業未聞歸葬之事或以為奚之先塋或又以為宮之

奇墓皆不可考

唐淄青節度使侯希逸墓

在縣西東侯村村以侯名因此

元孝子靖與曾墓

在縣西平高村

明贈監察御史劉惠墓

在縣東茅津鎮北

臨洮知府張翰墓

在縣東十里

華州州同鄉賢崔吉墓

在縣北中條山麓

濟南通判劉瀚墓

在縣東茅津鎮北都御史許論表

監察御史劉紳墓

在縣東茅津鎮北尚書楊博表

河內知縣王濟民墓

在縣北三里吳山之麓

戶部主事王國泰墓



在縣北郊僉事孫肇興題碑

國朝

贈宗人府主事杜臆墓

在縣東北闕家窩編修趙申季誌銘大學士稽曾  
筠題碑

陝西叅政杜濱墓

在縣北北波太僕寺正卿喬學尹誌銘太子少保  
尚書孫嘉淦題碑

楊烈女墓

在縣西東侯村邑令馮遵祖表

何孝娥墓

在縣東何家嶺邑令金煒表

漏澤園

一在東郭外一在西郭外

祥異

周威烈王十三年晉河兩岸崩壅龍門至於砥柱

隋大業七年十月砥柱崩偃河逆流數十里按砥柱未崩或其傍山耳

唐光啟二年十月有雉二首向背而連頸者栖集津倉廡後數月羣雉數百來鬪殺之

宋開寶八年夏四月鷲鳥傷人

祥符三年黃河清夏竦上河清賦

熙寧七年六月大雨漂溺陝平陸二縣 十四年黃

河清陝州刺史房仁裕上河清表

元至正二十一年十一月黃河清七日砥柱至孟津五百餘里朱右上河清頌表

明成化二十年秋大旱人相食次年六月始雨

正德八年十一月黃河堅冰明年春二月解

嘉靖七年三月至八月不雨 八年麥大熟秋霖雨  
四旬傷稼 十一年大飢 十六年夏雨溺店頭鎮

二十九年大旱風霾蔽日 三十四年十二月十

二日河東夜半地大震壞城郭廬舍壓死無算至明

年正月未息 三十六年黃河堅冰自砥柱至潼關  
數日不解 四十年冬無雪麥盡死 四十一年夏  
無麥秋大熟 四十二年四月至七月霖雨連綿北  
城外門圮三汜澗水高三丈

萬曆二十七年大雨雹 三十四年無禾 四十五  
年夏六月飛蝗蔽日

天啟元年七月黃河清自洪陽渡至砥柱九十里知  
縣李韞秀題寅賓館為河清館

崇正五年流寇據東山焚劫村落東八里因攢為十

里 六年秋旱穀未登 十三年大饑斗米一兩三  
錢草根樹皮剝盡人相食 十四年七月霖雨連綿  
至九月終止秋禾傷 十五年六月初三日夜平地  
大震壞城垣民居初九十三兩日復震

國朝康熙元年壬寅霖雨四旬山崩澗徙壞民田舍

十二年夏無雨麥苗槁八月飛蝗入境食禾盡又霖  
雨決旬花田脫落三冬無雪 十四年五月地震

十七年車村木綿開大花三朵形如牡丹八月霖雨  
四旬城郭民居塌毀無算 二十九年六月蝗蝻食

禾盡 三十年饑民逃亡塞路 三十一年正月朔  
日食饑民死者枕藉夏瘟疫盛行 三十二年大有  
年 三十四年四月地震如雷 六十年大饑逃亡  
大丰

雍正元年大有年 四年十二月河清自秦歷晉達  
豫凡一月有奇始復

乾隆十二年五月天鼓鳴 十三年饑 十六年河  
水大溢河壩田崩塌 十七年饑有星大如斗赤而  
有芒隕於東北十二月河水結六十餘里明年正月

始解 十八年大有年 二十三年六月大風拔木

二十四年饑 二十五年大風拔木 二十七年

十月夜有火大如斗隕於西北少頃天鼓鳴

乾隆二十九年六月十二日棗溝村民高懷妻孫氏  
一產三男